



## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvací, 1625**

De solitudine & silentio. XVIII.

[urn:nbn:de:hbz:466:1-45790](#)

## 550 VALLIS LILIORVM.

firmam, contra omnem diffidentiam; charitatem feruētem, contra omnem acediam & negligentiam; magnam patientiam, contra omnem turbationem; sanctam meditationem, contra turpem imaginationem; continuam orationem, contra diaboli impugnationem; diligentem attentionem ad lectionem, contra frequentem mentis euagationem; bonam occupationem, contra cordis tedium & somnolentiam; deuotam sacræ passionis tuæ recordationem, contra omnium vitiorum mortificationem. Adesto mihi in his bonis Deus meus, et confirma me in omnibus verbis sanctis tuis, Amen.

## CAPVT XVIII.

## De solitudine &amp; silentio.

Psal. 54.

**E**cce elongavi fugiens, & mansi in solitudine. Quare? Propter multa bona inde prouenientia, & ad cauendum distractio-nes cordis mei, in multis rebus visis & auditis; quia quæ oculus non videt, nec auris audit, cor non dolet, nec citò turbatur. Igitur latèrē & tacere, bonum est pro pace cordis, & obtenuere orationis. Ad hoc iuuant locus secretus, & recessus à turbis, ubi non est strepitus. Sicut enim pescis extra aquam citò moritur, ita monachus extra cellam leniter distrahitur & inquinatur. Nam prudens apis mel ex floribus colligens, statim inde euolat, & se-cretum gaudens repetit, & hoc in alueario cautè abscondit; ut habeat, unde in hyeme latenter viuat. Ideo enim suavitatem odo-ris abscondit, ne foris vagando fructum laboris sui iterum perdat. Nam preciosâ aromata, in pyxide clausa fortius fragrant, aperta & ostensa, virtutem odoris citius amittunt. Flores quoque mani-bus attacti lœduntur, intra septa pomarij clausi seruantur, & muri altis firmati tutantur. Crescunt rosæ in hortis clausæ securæ, & rescant, & calcantur pedibus in vijs projectæ.

**S**ic vagus & instabilis monachus vilescit saepe foris visus; fu-giens autem turbas & manens intus, reputatur sanctus. Candela ardens à vento citò extinguitur, in lucerna latens custoditur. Sic feruor deuotionis in secretario cubiculi tuius seruatur, & in ne-gotijs externis facilius dissipatur. Igitur cellam & silentium dili-ge, si vis denotus & pacificus intus permanere. Oportet, quod valde fortis sit & custoditus, qui foris inter homines ambulat, & interius non impeditur nocivis. Maneas ergo libenter in solitu-dine & in cella, deuotionis causa; sicut beata virgo Maria man-uit sola in cubiculo clausa, loquens cum sancto Angelo sibi missu à Deo de celo; ut etiam ad te veniat sanctus Angelus, Domini

num,



nuncius cælestis & custos animæ tuæ fidelis ; & recedat à te longius spiritus malignus , cum omnibus phantasijs suis. Dixit quidam deuotus silentij amator : Rarò loquor diu hominibus , sine aliqua læsione conscientiae intus. Et alius quidam : Oportet , ut sit laude. valde ædificabile verbum , quod emendet silentium . Et quartus ait : Nobile est verbum , in suo tempore dictum. Et quartus adiecit : Qui os suum firmiter claudit , non detrahit , nec mentitur.

3. O quam laudabile & iucundum loquentis verbum , nil mali , nil vani , nil doli , nil falsi habens admixtum. Multi multa loquuntur , sed non sine periculo lingue pronæ ad malum . Pax igitur multa custodient os suum , & manenti in cella , & sæpe oranti. Lauda quoque taciturnum virtuosum , increpa vagum verbosum , caue dolosum. Fuge tumultum , dilige secretum , sequere humilem & deuotum , sustine patienter tibi molestum , propter Christum pro te crucifixum.

4. Frater interrogauit senem , Quod est statutum in ordine , pro pace & deuotione maximè proficuum ? Respondit notabile verbum ; Seruare à patribus silentium statutum , vitare tumultus hominum & otium. Hæc tria in ordine valde necessaria , Deo & angelis accepta ; scilicet laborare manu , contra otium , amare lectio- nis studium , contra cordis tedium ; & continuare orationis v- sum , contra diaboli dolum . Hæc laudant sancti Patres antiqui & noui , quia frater tacens & Deo vacans , ab ipso cœlitus benedicitur , & ad contemplanda diuina secreta aptior inuenitur & altius illustratur. Vagus verò & fabulosus , qui otiosè circuit , donis cælestibus indignus efficitur , & alijs est molestus . Nescit superbus diu tacere , quia cupid doctus videri , & præ alijs laudari. Qui præsumptuosè loquitur , à multis vituperatur : qui autem verecundè tacuerit , gratiam ab astantibus meretur. Magna humilitas cordis sentire de seipso vilia , & de alijs semper meliora. Grandis superbia , abundare in sensu suo , & stare in propria voluntate , Deo & communitati fratrū cōtraria. Hæc est lepra pessima , quam odit Deus , & percutit sæpe subitanea morte. Simplex & innocens , humilius obediens , vbiq[ue] latus & securus . Laudabilis fama habere pauca verba , cauere leuia , loqui vtilia , & omnia agere cum modestia. Omnis adde modum , modus est pulcherrima virtus . Et hoc est , quod ait Christus : Habet e sal in vobis , & pacem habete inter vobis . Et Paulus Apostolus : Omnis sermo uester sale conditus sit . Et sanctus Job : Quomodo potest comedti ; quod non est sale conditum ?

Tria mo-  
nacho cui-  
libet ne-  
cessaria.

Cato.  
Matt. 18.  
Colos. 4.  
Job 6.

5. Castus & pudicus custodit cor suum , os suum , & omnes sensus suos , pronus semper in malum ; ut non peccet , & Deum ac

Mm 4 pro 7

proximum offendat. Non est corde compunctus, qui vana libenter audit, & recitat coram alijs. Perdit citè compunctionis gratiam, qui non custodit cordis & oris ianuam. Monachus pronus ad loquendum, facile excedit loquendi mensuram. Si haberes lesum crucifixum in corde tuo fixum, non exiret citè de ore tuo verbum vanum & otiosum. Sed quia non habes Iesum firmiter in corde tuo clausum, ideo sèpe queris solatum forinsecum, debile & friuolum, parum iuuans intus à doloribus prementibus corrūtum. Solus enim Iesus præstat verum animæ solatum, & sanat omnes languores vitiorum. In breui momento & vnico verbo potest liberare dolentem ab omni malo. Nam amplior est gratia Dei in bono, quam culpa in malo. Cur audis vanos rumores falsi, qui sèpe te conturbant & distrahunt in corde? Quare negligis dulces sermones Christi, qui te consolari possunt, & confortare in omni tribulatione tua, die ac nocte.

## CAPVT XIX.

*De refugio pauperis ad Deum adiutorem suum.*

Psal. 9.

1. **T**ibi derelictus est pauper, orphano tu eris adiutor. Beatus ille pauper, cui Deus est adiutor in omni tribulatione sua, consolator in angustia, vñica spes & confidentia in extremis, corona gloriæ in regno æternæ beatitudinis. Preciosa virtus voluntaria paupertas assumpta pro Christo, cuius merces eterna permanet cum Angelis in cælo, quò fur non appropiat ad furandum, nec raptor ad prædandum, neque latro ad occidendum. In multis periculis & curis quotidianis sunt diuites huius seculi, à quibus liber est seruus Christi, renuncians omnibus quæ sunt mundi. Magna libertas anime fidelis, quæ nil proprietatis habet in aliqua remundi propter regnum Dei & amorem Iesu Christi, sed omnia possidet in Christo, qui pro nobis pauper & dolens factus. Qui pendens nudus in cruce, non habuit ubi caput suum reclinaret, vel manum aut pedem usquam moueret. Quis huic pauperi in omnibus indigentias similis? Vere nullus. Propter hoc exaltatum est nomen eius solus, super omnia in cælo & in terra, & super omnia benedicatum in secula. O bona pauperies, nisi te Deus ante tulisset, nunc tua durities cunctis despecta fuisset. Felix paupertas rerum, quæ tollit superbiam oculorum, & occasionem multorum vitiorum.

Psal. 148.

2. Verè ille est pauper spiritu, qui de nullo verbo & facto bono superbit, nec in altiore gradu esse cupit, ne grauius cadat. O quam magna virtus abdicata paupertas, nil habens in proprio; quæ animæ aperit cæli portam, auget gloriae coronam, & cum martyribus meretur accipere patientiæ palmam, post huius vitæ angustiam,

